

nissen to dusser tid mede bruke, innewendich ghedrucket an dussen bref na Christi ghebort veirteinhundert jar dar na in dem XXXII jare dominica qua cantatur Domine ne longe.

Original auf Papier, dessen aufgedrückt gewesenes Siegel abgekratzt ist, im Landes - Haupt - Archiv zu Wolfenbüttel s. R. Blankenburg.

325. *Adelheid, Aebtissin von Quedlinburg, bekennt, dass Hennig Hindernisse, Bürger daselbst, mit ihrer Einwilligung eine von ihr zu Lehen gehende halbe Hufe-Landes zu Marsleben an Nicolaus Bonstorp für 20 schwarze Mark Quedlinburgisch wiederkäuflich verkauft hat.*

10

1432. Septbr. 17.

We Alheyd van Isenburch, van der gnade goddes ebdissche der wertliken sancti Servacii to Quedlingborg kerken, bekennen in dusseme breve vor allen de ohen sehen edder horen lesen, dat Hennig Hindernisse, borgher in unser stad Quedlingborg, vor sek unde vor Katherinen syne eliken husfrowen unde syne rechten erven myt unsem willen unde vulborde recht und redelken hefft vorkofft up eynen wedderkop eyne houe landes geleghin to Marsleve myt alle orer nut und tobehoringe, de he van uns und unsem goddeshus to menlikem lehene hefft und de genante Katherina to eyner liftucht hefft, deme vorsichtigen Nycolao Bonstorp und synen erven edder we dussen breff hedde myt des genanten Nycolauz guden willen vor twinthich swarte marg Quedling. weringe, de deme upgenanten Hennige vul unde al wol betal¹ syn, dar vor de sulve Nycolaus syne erven edder dusse breffholder der houe gheneten und bruken schullen, so se meist und vul- lenkomest moghen, und setten ohen und se in eyne rauwelke hebbende were der sulven houe; und de ergenante Katherina hefft vor uns mit wolbedachtem moede ore vulbord geven und liftuch vorlaten to dem kope und an der houe nicht wel vorreden efte vorrechtighin noch in- holden myt orer liftucht, wat dem kope hinderen edder schaden mochte, ane alle gheverde, sunder den kop mede gancz holden; und hebben sek vorder vor unsz vordraghen, dat Hennig de houe under syme ploghe beholden schal, und schal Nycolauz synen erven edder breffinholdere ploghe edder pacht dar van up sinte Michaelis dach geven und betalen wes se sek under eyn ander vordraghin, unde dat schal stan in des genanten Nycolauz syner erven edder breffholder willekore und in orer macht, wu lange Hennig de houe under synem ploghe beholden schal, wente see de houe don unde beneten mogen na orem willen; und so mach Hennig und syne rechten erven de sulven houe wedderkopen vor twyntich marg der upgenanten weringhe, so worder dat se den kop up sinte Johannes dach myddensommer vorkundighen und denne de genanten summen hovetgeldes, als twintich marg, mit der bedageden ploghe

1) So.